


Broj: 03-02-604/2018
Sarajevo, 04.06.2018. godine

FEDERALNI ZAVOD ZA STATISTIKU
Gosp. Emir Kremić, direktor



Poštovani,

U prilogu Vam dostavljam Odluku o davanju saglasnosti na Pravilnik o vrstama i visini naknade za usluge i publikacije Federalnog zavoda za statistiku, V. broj: 719/2018 od 24.05.2018. godine, koju je Vlada Federacije Bosne i Hercegovine donijela na 144. sjednici, održanoj 24.05.2018. godine.

S poštovanjem,



SEKRETAR VLADE

mr.sc. Edita Kalajdžić

Prilog: Kao u tekstu

Na osnovu člana 19. stav (2) Zakona o Vladi Federacije Bosne i Hercegovine („Službene novine Federacije BiH”, br. 1/94, 8/95, 58/02, 19/03, 2/06 i 8/06), a u vezi sa članom 27. Zakona o statistici u Federaciji Bosne i Hercegovine („Službene novine Federacije BiH”, br. 63/03 i 9/09), Vlada Federacije Bosne i Hercegovine, na 144. sjednici, održanoj 24.05.2018. godine, donosi

ODLUKU
O DAVANJU SAGLASNOSTI NA PRAVILNIK O VRSTAMA I VISINI NAKNADE ZA
USLUGE I PUBLIKACIJE FEDERALNOG ZAVODA ZA STATISTIKU

I.

Daje se saglasnost na Pravilnik o vrstama i visini naknade za usluge i publikacije Federalnog zavoda za statistiku.

II.

Ova odluka stupa na snagu narednog dana od dana objavljivanja u „Službenim novinama Federacije BiH”.

V. broj: 719 /2018
24.05.2018. godine
Sarajevo



Na osnovu člana 27. Zakona o statistici u Federaciji Bosne i Hercegovine („Službene novine Federacije BiH“, br. 63/03 i 9/09), uz prethodnu saglasnost Vlade Federacije Bosne i Hercegovine, direktor Federalnog zavoda za statistiku, d o n o s i

P R A V I L N I K

O VRSTAMA I VISINI NAKNADE ZA USLUGE I PUBLIKACIJE FEDERALNOG ZAVODA ZA STATISTIKU

I. OPĆE ODREDBE

Član 1. (Predmet)

Ovim pravilnikom se utvrđuje vrsta, visina, način i rokovi plaćanja naknade za usluge i publikacije, kao i evidentiranje obračunate i naplaćene naknade za usluge i publikacije koje Federalni zavod za statistiku (u daljem tekstu: Zavod) obavlja i naplaćuje od korisnika usluga i publikacija.

Član 2. (Usluge i publikacije)

(1) Usluge Zavoda odnose se na davanje podataka koji se zvanično ne objavljuju osim na pismeni zahtjev korisnika.

(2) Usluge Zavoda čine poslovi koji se odnose na obradu zahtjeva korisnika za određene statističke preračune i analize na osnovu podataka koji su prikupljeni ili publikovani, kao i obavljanje posebnih poslova po zahtjevu korisnika koji zahtjevaju dodatni rad Zavoda.

(3) Publikacija Zavoda predstavlja štampano djelo statističkih rezultata i metodologija koji se primjenjuju i objavljuju u oblicima koji su pristupačni širokom krugu korisnika u pisanom i elektronskom obliku.

II. VRSTA I VISINA NAKNADE ZA USLUGE I PUBLIKACIJE

Član 3. (Korisnik usluga i publikacija)

Usluge i publikacije Zavoda može uz naknadu dobiti svako domaće i strano pravno i fizičko lice (u daljem tekstu: korisnik).

Član 4. (Zahtjev za dostavu podataka)

(1) Korisnik može na osnovu pismenog zahtjeva dobiti podatke iz Zavoda u obliku izvotka, ispisa kopije, knjige i u elektronskom obliku.

(2) Zahtjev iz stava (1) ovog člana mora da sadrži slijedeće podatke:

- a) da ima dovoljno podataka o prirodi ili sadržaju informacije / usluge koja se traži;
- b) ime, prezime i adresu podnosioca zahtjeva (za fizičke osobe);
- c) naziv i sjedište podnosioca zahtjeva (za pravne osobe);

(3) Publikacije koje izdaje Zavod mogu se nabaviti kupovinom u Zavodu ili narudžbom Zavodu putem pošte, telefaksom i e –mailom.

**Član 5.
(Obrada zahtjeva)**

Obrada zahtjeva vrši se u skladu sa Zakonom o statistici u Federaciji Bosne i Hercegovine.

**Član 6.
(Visina naknade/cijene za usluge)**

Visina naknade/cijena, za izvršene usluge iz člana 2. utvrđuje se, i to:

Redni broj	Opis usluge/vrste	Cijena u KM za korisnike u BiH	Cijena u EUR za korisnike u inostranstvu
Statističke usluge			
Usluge stručnih odjela			
1.	Sat rada stručnog odjela	20,00	20,00
2.	Prijepis na CD/DVD –po mediju	40,00	40,00
3.	Prijepis i slanje elektroničkom poštom (do 5 MB)	15,00	15,00
4.	Pojedini slog Registra poslovnih subjekata: <ul style="list-style-type: none"> - do 20 slogova - od 21 do 50 slogova - od 51 do 100 slogova - od 101 do 500 slogova - od 501 do 1.000 slogova - od 1.001 do 10.000 slogova - od 10.001 do 25.000 - od 25.001 i više slogova 	10,00 po slogu 5,00 po slogu 2,00 po slogu 1,00 po slogu 0,50 po slogu 0,25 po slogu 0,15 po slogu 0,07 po slogu	10,00 5,00 2,00 1,00 0,50 0,25 0,15 0,07
5.	Obrada podataka iz statističkih istraživanja i Registra poslovnih subjekata: <ul style="list-style-type: none"> - obrada tabela sa jednim pokazateljem /po tabeli - obradna tabela sa dva ili više pokazatelja / po tabeli 	30,00 100,00	30,00 100,00
6.	Prijepis iz Registra poslovnih subjekata: <ul style="list-style-type: none"> - obavještenje o razvrstavanju pravnih lica, predstavništava stranih lica, diplomatskih i konzularnih predstavništava, misija i međunarodnih organizacija, podružnica 		

	stranih društava i fizičkih lica (obrnika, lica koja obavljaju srodne ili druge samostalne djelatnosti) prema klasifikaciji djelatnosti;	20,00	20,00
	- obavještenje o razvrstavanju dijelova pravnih i fizičkih lica (obrnika, lica koja obavljaju srodne ili druge samostalne djelatnosti) prema klasifikaciji djelatnosti;	20,00	20,00
	- obavještenje o brisanju pravnih lica, predstavništava stranih lica, diplomatskih i konzularnih predstavništava, misija i međunarodnih organizacija i fizičkih lica (obrnika, lica koja obavljaju srodne ili druge samostalne djelatnosti) iz Registra poslovnih subjekata izdatih od strane Zavoda do 09.10.2017. godine;	20,00	20,00
	- obavještenja o brisanju dijelova pravnih i fizičkih lica (obrnika, lica koja obavljaju srodne ili druge samostalne djelatnosti) iz Registra poslovnih subjekata izdatih od strane Zavoda do 09.10.2017. godine	20,00	20,00

Član 7.
(Visina naknade/cijene za publikacije)

Visina naknade/cijena, za publikacije iz člana 2. utvrđuje se, i to:

	Opis/vrste publikacija	Cijena u KM za korisnike u BiH	Cijena u EUR za korisnike u inostranstvu
Statističke publikacije			
1.	Statistički godišnjak / ljetopis	25,00	25,00
2.	Mjesečni statistički izvještaj – „ Mjesečni statistički pregled Federacije Bosne i Hercegovine“	10,00	10,00
3.	Mjesečni statistički izvještaj – „ Mjesečni statistički pregled Federacije Bosne i Hercegovine po kantonima	10,00	10,00
5.	Statistički bilten – godišnja služba	15,00	15,00
Godišnja pretplata za statističke publikacije			

6.	Mjesečni statistički izvještaj – „ Mjesečni statistički pregled Federacije Bosne i Hercegovine“, 12 brojeva	110,00	110,00
7.	Mjesečni statistički izvještaj „ Mjesečni statistički pregled Federacije Bosne i Hercegovine po kantonima“ ,12 brojeva	110,00	110,00
Diseminacija podataka iz publikacija			
8.	E-mail (do 5 MB)	10,00	10,00
9.	CD/DVD (do 100 MB)	10,00	10,00
10.	Publikovani/ Publicirani podaci		
	- do 30 stranica	5,00	5,00
	- 31 do 60 stranica	8,00	8,00
	- 61 do 100 stranica	12,00	12,00
	- 101 do 300 stranica	20,00	20,00
	- 301 do 400 stranica	35,00	35,00
	- 401 stranica i više	50,00	50,00

Član 8.
(Drugi stvarni troškovi)

(1) Pored naknada za obavljanje usluga utvrđenih u članu 6. ovog pravilnika Zavod može korisnicima usluga također zaračunati i druge stvarne troškove koji nisu navedeni u ovom pravilniku, ako je to posebno dogovoreno sa korisnikom.

(2) Obračun usluga iz stava (1) ovog člana vršit će se na osnovu zaključenog ugovora, kojim će se utvrditi stvarna cijena obavljenih usluga.

Član 9.
(Publikacije i usluge bez naknade)

(1) Publikacije i usluge koji se daju na službeni zahtjev organa vlasti i drugih institucija Bosne i Hercegovine, Federacije Bosne i Hercegovine, kantona, općine i gradova, daju se bez naknade.

(2) Direktor Zavoda može izuzetno, u pojedinačnim slučajevima, usluge ili publikacije iz čl. 6. i 7. ovog pravilnika dati naručiocu po nižoj cijeni ili bez naknade ako je to u interesu unapređenja statističke djelatnosti.

III. NAČIN PLAĆANJA I EVIDENTIRANJE OBRAČUNATE NAKNADE

Član 10.
(Način realizacije naplate za usluge i publikacije)

Naknade za obavljene usluge i publikacije Zavod naplaćuje u skladu sa Zakonom o trezoru u Federaciji Bosne i Hercegovine („Službene novine Federacije BiH“, broj 26/16).

Član 11.
(Procedure naplate)

(1) Naknade se mogu uplaćivati putem pošte ili banke na Jedinstveni račun Federalnog ministarstva finansija-Federalnog ministarstva financija - trezor:

**FEDERALNO MINISTARSTVO FINANSIJA-FEDERALNO MINISTARSTVO FINACIJA –
TREZOR**
Transakcijski račun broj: 3389002211529491
SWIFT: UNCRBA22
VRSTA PRIHODA: 722613
Budžetska organizacija: 3401001

(2) Naknade za usluge navedene u članu 6. ovog pravilnika naplaćuju se unaprijed, a korisnik plaća naknadu na osnovu obavijesti o ukupnom iznosu naknade.

(3) Naknade za publikacije navedene u članu 7. ovog pravilnika, pravno lice - korisnik je dužan platiti u roku od 15 dana od dana dostave fakture, ili po preuzimanju ako se uplata vrši putem banke ili pošte na depozitni račun trezora.

(4) Za usluge i publikacije koje korisnik plaća putem pošte ili banke obavezan je dostaviti Zavodu dokaz o izvršenoj uplati.

(5) Dokumentaciju iz Zavoda (publikacije i obrađene podatke) korisnik može preuzeti na osnovu dokaza o plaćenom računu. Svaki izdati račun evidentira se u knjigovodstvenoj evidenciji prema vrsti prodane publikacije i vrsti obavljene usluge.

IV. PRIJELAZNE I ZAVRŠNE ODREDBE

Član 12.
(Neriješeni zahtjevi)

Zahtjevi za davanje podataka podneseni do dana stupanja na snagu ovog pravilnika koji nisu riješeni, bit će riješeni po odredbama ovog pravilnika.

Član 13.
(Prestanak važenja ranijih propisa)

Danom stupanja na snagu ovog pravilnika prestaje da važi Pravilnik o vrstama i visini naknade za usluge i publikacije Federalnog zavoda za statistiku („Službene novine Federacije BiH“, broj:16/04).

Član 14.
(Stupanje na snagu)

Ovaj pravilnik stupa na snagu osmog dana od dana objavljivanja u „Službenim novinama Federacije BiH.“

Broj: 01-02-555-2 /18
06.06. 2018.godine

Sarajevo



DIREKTOR:

Emir Kremić
Doc.dr. Emir Kremić